

Powšitkowne WOZJEWJENJA

njedźelu, 9. julija 2017

Změna kemšacych časow w Róžeńće

W Róžeńće su wot tuteje njedzele, 9. julija, hač do kónca septembra jeničce Bože mšě w serbskej rěči w 10.30 hodź. Wuwzaće je njedzela Gig-festiwala, 23. julija. Boža mša budže hižo w 10.00 hodź. a w němskej rěči.

Serbske kemše w Praze a přeprašenje do Serbskeho seminara

W cyrkwi swjateje Marije dobyća (Marie Vitězné) na Karmelitskej w Praze, hdžež je postawa Praskeho Jězusdžćatka, změje Radworski farar Beno Jakubaš srjedu, 12. julija, w 11 hodź. serbskorěčnu Božu mšu. Wšitcy zajimcy su k tomu wutrobnje přeprašeni. Po kemšach su wšitcy do Serbskeho seminara přeprašeni, hdžež budže mały přiskusk spřihotowany.

Kemše w Krupce

Na putniku Božu mšu srjedu, 26. julija, w 10 hodź. w Krupce pojedže zaso bus. Štóž chce sobu jěć, njech so hač do pónđzele, 24. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

Nóc tysac swěčkow

Na zahrodze klóštra Marijineje hwězdy w Pancicach-Kukowje dožiwja wopytowarjo sobotu, 22. julija, wot 19 hodź. zaso nóc tysac swěčkow. Wšitcy su wutrobnje přeprašeni.

Nowa kemšaca knižka za džěći

Za katolske swójby poskićuje so w znatych předawanišćach z wuběrom serbskich knihow a w Smolerjec kniharni nowostka za džěći „Pójće sobu do cyrkwy“. Kemšaca knižka přepraša džěći wot 4 lět, so kedźbliwje na Božej mši wobdžělic a so wjesele z dorosćenymi sobu modlic.

Znowa Gig-festiwal w Róžeńće

W Róžeńće wotměje so wot pjatka do njedzele, 21. a 23. julija, Gig-festiwal. Wón zahaji so pjatk, w 19 hodź. z Božej mšu w hnadownej cyrkwi. Po kemšach pokaza so film „Outcasts“, kotryž rozprawja wo džěle franciskanow wobnowjenja z New Yorka. Sobotu popołdnu přewjedu so wot 14 hodź. workshopy, wot 17 hodź. koncert ze wšelakimi mjezynarodnymi skupinami. Mjez nimi budže rockowa skupina Cardiac Move z Awstriskeje runje tak kaž Edwin Fawcett a gospelowy chór z Jendželskeje. Za kóždeho budže něšto pódla – pop, soul, rap a rock kaž tež kabaret, zdžěla zarjadowarjo. Swjatočnu Božu mšu njedzela, 23. julija, w 10 hodź. sćelak Radio Horeb originalnje přenjese. Budže to tón dzeń jenička njedzela Boža mša na hnadownym městnje. Kemšam přizamknje so brunch. Wot 14 hodź. přewjedu so dalše workshopy. W 19 hodź. budže hudźbny nyšpor w cyrkwi. Z tak mjenowanej „chwalbnej party“ z Joe Melendrezom a DJom Amandom so Gig-festiwal zakónči. Wšitcy – młodostni runje tak kaž starši a swójby z džěćimi – su wutrobnje do Róžanta přeprašeni. Nadrobny program je w interneće na stronje www.gigfestival.de wozjewjeny.